

cum arctiori premeret obsidione, appareretque brevi hostem, quia Veneti aquas infedissent, deditioem facturum. Pontificis Legatus, qui tum Bononiæ erat, cognitis, quæ apud Ferrariam gesta erant, per oratores ad id missos solenni denunciatione a Venetis postulat, ut ab incepta oppugnatione abstineant. Forte accidit, ut sub illorum adventum acri certamine castellum oppugnaretur: quo factum est, ut ea quæ Legati afferrent, in eo pugnae fervore minime sint exaudita. Interea Ferrarienses, freti, credo, Legatorum præsentia, diversarum partium facti, se in Legati fide futuros pronunciant. Secutus deinde clamor, rebus Ecclesiæ propriæque libertati aperte faventium. Turbavit omnino alios repentina civium defectio, & in primis Friscum ipsum. Sed tantum abfuit, ut Veneti ea novitate territi sint, quod Ferrariensium navigiis, quæ ad castelli oppugnationem Tyrannus contraxerat, subito incensis, pugnaque acriter instaurata, non prius abstiterint, quam, rescisso ponte, Thealdum irperint. Friscus Ferrariensibus ob subitam defectionem iratus, infestis equitibus ex munitiore loco missis, urbem pluribus locis incendit. Tum cives hinc ferro inde igni circumventi, sedato tumultu, Frisco, quem infensè oderant, præterito, Venetorum fidem implorant. Continuo, deditioe facta, prorsus ab injuria temperatum est. Veneti, etsi urbem in fidem acceptam suis regere auspiciis in animo habebant, Friscum tamen, ne publicam fidem prodidisse viderentur, in urbe retinere. Clemens Pontifex, qui tum in Gallia erat, audito Ferrariæ casu, ægerrime ferens urbem Romanæ Ecclesiæ vectigalem ita indigne a Tyranno vexatam, ac novissime Veneti imperii factam, continuo anathematis spiculum in Venetos detorsit: proposito tota Europa edicto, ut Venetum Christiano cœtu ejectum, Romanæque Ecclesiæ hostem, fas esset cuique interimere. Hæc quidam habent annales: sed ut mitius, ita similius illud, quod externi scriptores tradunt: Veneto nomini sacris interdictum: additum ad id, nihil impie facturum, qui Venetum hominem in suam potestatem redactum, pro servo vendidisset. Effecit ea res, ut in omnibus fere Galliæ emporiis Venetorum mer-

1307

1308

*Veneti ob
occupatam
Ferrariam
a Papa ex-
communi-
cati.*

*Non sine da-
mno, quod
hinc inde
passi.*

ces